

# Ni Teryong, Ti Ansisit Nga Agay-aywan Iti Maladaga

**N**i Pasing laeng ti mangbibig ita maladagana a ni Ela nanipud payidinatay ti asawana. Makitaltalon laeng ti pagsapulanna. Idiay likod ti balayda ket adda agigiyan nga ansisit nga agbanbantay kadakuada iti inaldaw. Isu ni Teryong, maysa a bassit ken naayat nga ansisit. Tunggal mapan ni Pasing idiay taltalon, ni Teryong ti agbanbantay kenni Ela. Patpaturogenna ken kankantaanna daytoy.

“Ela, Ela, bungaka ti ayan-ayat ken namnama. Ikalapankayo ti presko nga ikan a sidayo nga agina.”

“Naganus ketdin ni Pasing nga agrabtrabaho tapno agbiagda nga agina,” nakuna ni Teryong. Isu nga innalana ti maysa nga alat ket nagkalapen iti presko nga ikan idiay karayan. Intedna daytoy kenni Pasing, ket adda sinda dagiti agina kadagiti simmaruno nga alaldaw.

Napanunot ni Pasing a maysa met laeng nga ina ti rumbeng nga agaywan iti anakna. Napan kenni Luding ket kinasaritana ni Ela nga idiyana pay laeng bayat ti kaaddana idiay pagtatalonan. Immanamong met ni Luding.



Inindayon ni Luding ni Ela sana dinuayya.

“Ela, Ela, mangibabainka! Sika laeng ti ubing nga naangseg ken awan pateгна.” Agal-allingag ti timek ni Luding ket nangngeg ni Teryong daytoy.

Inikkan ni Teryong ni Luding ti maysa a kahon a sipupunno ti nagyanna. Ngem kinunana a luktanto laengen ni Luding ti kahon intono nakatalawen daytoy. Naragsakan met ni Luding iti sagut ti ansisit. Gapu iti gagarna a makikita iti linaonna, linuktannan daytoy. Sinukirna ti bilin ti ansisit. Kasta unay ti kigtotna iti nakitana. Ul-uleg ken ig-igges a nakaal-alisto a dimmakkel ti adda iti kahon. Ikkis nga ikkis a kamkamatenen dagiti ul-uleg.

Agawiden ni Pasing manipud idiyay katalalonan. Nakigtot idi nangngegna ti ikkis ni Luding. Agsangangit daytoy.

“Apay?” saludsod ni Pasing. Agsangangit ken agkinkintayeg a nagparintumeng ni Luding tapno



dumawat iti pammakawan ni Pasing.

“Pakawanennak, Pasing.  
Pinagsasao-ak ti dakes ti anakmo.”

Nagnakem ni Luding iti napasamak  
kenkuana. Isu itattan ti mangay-aywan  
kenni Ela no adda idia y taltalon ni Pasing.  
Tumultulong met ni Teryong a mangaywan iti  
ubing.

